



Broj: 01,02-02-1-17/15

Sarajevo, 17.9.2015.



**Parlamentarna skupština BiH**

Kolegiju Predstavničkog doma

Ustavnoj komisiji Predstavničkog doma

PRIMLJENO	17-09-2015		
Organizaciona jedinica	Radni broj	Broj priloga	

Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, broj 79/14), Zakonodavno-pravni sektor dostavlja

**MIŠLJENJE**

**o usklađenosti Prijedloga zakona o strancima s članom 105. Poslovnika Predstavničkog doma Parlamentarne skupštine BiH i Jedinstvenim pravilima za izradu pravnih propisa u institucijama Bosne i Hercegovine**

Predsjedavajuća Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-17/15, od 15.9.2015., dostavila Prijedlog zakona o strancima (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinstvenim pravilima za izradu pravnih propisa u institucijama BiH.

Prijedlog zakona, broj: 01, 02-02-1-17/15, od 11.9.2015., podnijelo je Vijeće ministara BiH, kao ovlašteni predlagač, u skladu s članom 104. stav (1) Poslovnika Predstavničkog doma.

**I. Usklađenost s odredbama Poslovnika Predstavničkog doma**

**Parlamentarne skupštine BiH**

Tekst Prijedloga zakona je, u skladu s članom 105. stav (1) Poslovnika Predstavničkog doma, podnesen u pisanoj i elektronskoj formi, na jezicima i pismima u službenoj upotrebi u BiH.

*Prijedlog zakona je ovlašteni predlagač označio oznakom „E“, odnosno oznakom koja ukazuje da je Prijedlog zakona povezan s EU integracijama, te bi se trebao razmatrati u skladu s čl. 105. stav (2) i čl. 134. i 135. Poslovnika Predstavničkog doma.*

Članom 105. stav (3) Poslovnika Predstavničkog doma propisano je da se uz prijedlog zakona dostavlja obrazloženje koje sadrži:

- ustavni osnov za usvajanje zakona;
- razloge za donošenje zakona;
- principe na kojima je zasnovan prijedlog zakona;
- procjenu finansijskih sredstava neophodnih za provođenje zakona;

- e) mišljenje Direkcije za evropske integracije o usklađenosti prijedloga zakona s pravnoobavezujućim normama EU, kao i mišljenja institucija i organizacija koje su konsultirane tokom izrade prijedloga zakona i
- f) bilo koje druge okolnosti koje bi Domu mogle pojasniti razloge za donošenje zakona.

U vezi s tim, uz Prijedlog zakona dostavljeno je obrazloženje, koje sadrži:


- 1. pravni osnov za donošenje zakona;
- 2. razloge za donošenje zakona i obrazloženje predloženih rješenja;
- 3. usklađenost propisa s evropskim zakonodavstvom;
- 4. provedbene mehanizme i načine osiguravanja poštivanja propisa;
- 5. obrazloženje finansijskih sredstava za provođenje zakona i finansijske efekte zakona te
- 6. opis konsultacija vođenih u procesu izrade prijedloga propisa.

Uz obrazloženje dostavljena su i mišljenja Ureda za zakonodavstvo Vijeća ministara BiH, Ministarstva pravde BiH, Ministarstva za ljudska prava i izbjeglice BiH, Ministarstva vanjskih poslova BiH, Ministarstva finansija i trezora BiH, Direkcije za evropske integracije Vijeća ministara BiH uz Izjavu o usklađenosti i Dopunsko mišljenje Direkcije za evropske integracije Vijeća ministara BiH uz Izjavu o usklađenosti, Agencije za ravnopravnost spolova BiH te Ministarstva civilnih poslova BiH.

Iz navedenog proizlazi da je Prijedlog zakona o strancima **usklađen** s članom 105. st. (1) i (3) Poslovnika Predstavničkog doma, odnosno s članom 60. (Sadržaj obrazloženja) Jedinostvenih pravila za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14).

## **II. Usklađenost s Jedinostvenim pravilima za izradu pravnih propisa u institucijama Bosne i Hercegovine ("Službeni glasnik BiH", br. 11/05, 58/14 i 60/14)**

Prijedlog zakona svojom strukturom, formom i stilom odražava pravila izrade pravnih propisa, kako je i propisano Jedinostvenim pravilima za izradu pravnih propisa u institucijama Bosne i Hercegovine, te je **usklađen** s Jedinostvenim pravilima za izradu pravnih propisa u institucijama Bosne i Hercegovine.

Rukovoditeljica  
Zakonodavno-pravnog sektora  
  
Mirjana Kutanjac